



PRIVREDNA/GOSPODARSKA KOMORA
FEDERACIJE BOSNE I HERCEGOVINE

Glasnik

Broj 160 juni/lipanj 2018. Godina XIX

ISSN 1840-0310



ENERGA

međunarodni sajam energije, rudarstva,
zaštite okoliša i prateće industrije
sarajevo, 19 - 21. juni/lipanj 2018.




*ENERGA 2018-panel diskusija:
“Budućnost je pred vratima: stanje i
perspektive električnih automobila u BiH”*

*Šta donosi novi pravilnik o izgledu policijske
uniforme u policijskim tijelima BiH*

ISSN 1840-0310



9 771840 031004



**PRIVREDNA/GOSPODARSKA KOMORA
FEDERACIJE BOSNE I HERCEGOVINE**

CHAMBER OF ECONOMY OF THE FEDERATION OF BOSNIA AND HERZEGOVINA

I M P R E S U M

Glasnik
Privredne/Gospodarske komore
Federacije Bosne i Hercegovine
Godina XIX
juni/lipanj 2018.

GLASNIK uređuje
Redakcijski kolegij:

dr.sci.Marko Šantić dipl.ecc.
Mirsad Jašarspahić dipl.ig.maš.

Glavni urednik
Amela Kečo dipl.prav.

Izvršni urednik
Željko Raguž dipl.ecc.

Almin Mališević dipl.ing.maš.
Erina Lasić dipl.ing.agr.

Adresa:
Privredna/Gospodarska komora FBiH
za Glasnik –
Branislava Đurđeva 10/IV
71000 Sarajevo
Kontakt: glasnik@kfbih.com

Telefoni: 033 566 300, 217 782,036/332-963
Fax: 033 217 783,036/332-966

www.kfbih.com

Priprema i izdaje:
Privredna/Gospodarska komora FBiH

*Uvaženi privrednici i poslovni partneri, novo izdanje
e-Glasnika je pred Vama.*

U ovom izdanju donosimo vam informacije sa sajamskih aktivnosti koje su obilježile proteklimgjesec, te informacije o brojnim aktivnostima Komore.

I ove godine Privredna/Gospodarska komora F BiH je imala zapažen nastup na međunarodnom sajmu energije ENERGA 2018., u okviru kojeg je Komora organizirala i panel diskusiju na temu :”Budućnost je pred vratima : stanje i perspektive električnih automobila u BiH”.

Komora je prvi put uzela učešće i na međunarodnom sajmu Plast 2018 (International Exhibition for Plastics and Rubber Industries) koji se održao u Milanu.

Iz sajamskih aktivnosti izdvajamo i sudjelovanje Privredne/gospodarske komore FBiH na 85. Međunarodnom sajmu poljoprivrede u Novom Sadu, koji je održan od 15. do 21. maja 2018. godine.

Novi Pravilnik o izgledu policijske uniforme u policijskim tijelima Bosne i Hercegovine, koje je Vijeće ministara Bosne i Hercegovine, na prijedlog Ministarstva sigurnosti BiH, donijelo na 127. sjednici, 28.02.2018.godine, izazvao je problem bosanskohercegovačkim kompanijama koje se bave ovom djelatnošću.Šta donosi novi Pravilnik o izgledu policijske uniforme u policijskim tijelima Bosne i Hercegovine?

Iz ostalih aktivnosti komore izdvajamo i organizaciju dvodnevne specijalističke radionice na temu "Upravljanje lancima nabavke (engl. Supply Chain Management)" koja se održala 5. i 6. juna 2018. godine u organizaciji USAID Projekat razvoja radne snage i većeg pristupa tržištima (WHAM) u saradnji sa Privrednom/Gospodarskom komorom Federacije BiH i Vanjskotrgovinskom komorom Bosne i Hercegovine .

U organizaciji Ministarstva vanjske trgovine i ekonomskih odnosa BiH, resornih entitetskih ministarstava, Privredne komore RS i P/G komore FBiH, u Trebinju je 22.marta održan poslovni forum Mađarska – Bosna i Hercegovina, te vam prenosimo dio atmosfere.

Uspješne priče u ovom broju donosimo pod nazivom: "Investicijom u nove tehnologije Euro–metali ušli u novi segment poslovanja".

Rubrika Bh proizvod u ovom broju pripada privrednom društvu "SurTec Eurosaj" d.o.o.Konjic.

Na stranicama novog izdanja e-Glasnika donosimo i druge zanimljive i korisne sadržaje.

Vaš Redakcijski kolegij

Privredna/Gospodarska komora Federacije BiH na sajmu Plast 2018

Privredna komora Federacije BiH, u saradnji sa italijanskim udruženjem Amaplast, uzela je učešće na međunarodnom sajmu Plast 2018 (International Exhibition for Plastics and Rubber Industries) koji se održao u Milanu, Italija, 29. maja - 01. juna 2018. godine.

Radi se o specijalizovanom sajmu koji obuhvata sve oblasti vezane za proizvodnju i preradu plastike i gume: Brizganje, ekstruzija, puhanje, termoformiranje i mašine za zavarivanje, oprema za primarnu i sekundarnu preradu, završnu obradu, dekorisanje, potom sirovina, poluproizvoda i proizvoda, ambalaža kao i opreme za recikliranje.

Izrazito velika posjećenost sajma, kao i veliki broj izlagača koji su svoje proizvode, inovacijske tehnologije i opremu prezentirali govori o značaju ovog sajma, koji se održava sve treće godine.

Plast je najveći sajam tehnologije i opreme na kojem se predstavljaju inovativna rješenja za unapređenje proizvodnje i prerade plastike i gume. Privredne komore Federacije BiH svojim gostima prezentirala je razvoj bosanskohercegovačkih kompanija koje djeluju unutar ovog sektora, te mogućnosti uspostavljanja saradnje sa kompanijama iz BiH, dok je štand bio mjesto susreta i za sve kompanije iz Bosne i Hercegovine.



U periodu trajanja sajma predsjednik PKFBiH Mirsad Jašarspahić prisustvovao je sastanku Savjetodavnog odbora "Mediterranean Advisory Board- PlasticEurope", čiji je Komora član. Teme razgovora su se odnosile na platformu upravljanja otpadom, razvoju strategije plastičnih komponenti te novostima iz ove industrijske grane. Sljedeći sastanak odbora održat će se u mjesecu oktobru, a naredne godine P/G K FBiH će biti domaćin kada će se sastanak odbora održati u Sarajevu.



Sastanak sa direktorom za međunarodne odnose italijanskog Udruženja ASSOMACA



U cilju nastavka zajedničkih aktivnosti, u Milanu je održan i sastanak sa predstavnikom italijanskog udruženja Assomac iz Vigevano – Pavia, g. Mario Pucci, direktorom za međunarodne odnose. Assomac – Udruženje italijanskih proizvođača mašina i tehnologije za proizvodnju obuće i industriju kože je jedno od najstarijih udruženja u Italiji koje okuplja preko 150 kompanija. Sastanku su prisustvovali predsjednik P/GKFBiH i sekretar Udruženja za tekstilnu i kožarsko-prerađivačku industriju P/GKFBiH. Memorandumom o saradnji koji je potpisan između Komore i udruženja Assomac, bh kompanijama će se omogućiti bolja saradnja sa italijanskim proizvođačima, razmjena iskustava te mogućnost korištenja znanja italijanskih eksperata. Komora je, u februaru, u saradnji sa Trgovinskim odjelom ambasade Italije u BiH, predvodila delegaciju proizvođača i prerađivača kože i obuće na Međunarodnom sajmu mašina i opreme SIMAC TANNING TECH i Lineapelle, a što je rezultiralo i potpisom navedenog sporazuma.

Pripremila: Jasmina Zejnilagić dipl.ecc.

Privredna/Gospodarska Komora FBiH na 85. Sajmu poljoprivrede Novi Sad



Privredna /gospodarska komora FBiH, i ove godine, tradicionalno, organizira nastup domaćih gospodarstvenika na 85. Međunarodnom sajmu poljoprivrede u Novom Sadu, koji je održan od 15. do 21. maja 2018. godine. Na zajedničkom štandu, površine 20 metara kvadratnih, direktno je bilo predstavljeno nekoliko gospodarstvenika među kojima zapažen nastup su imali LEDA d.o.o Široki Brijeg; Eko sir PUĐA Livno, Podrumi Andrija Paoča, Hercegovina vino, Hercegovina Produkt, Vinarija Ma-

rijanović, Monaco 2000 Ostojić, Mljekara Orman d.o.o Livno, Maria Natural Cosmetics .

Tijekom sajma održani stručni skupovi, predavanja i konferencije na kojima su gospodarstvenici i stručnjaci iz mnogih oblasti razmjenjivali znanja i iskustva.

Na ovogodišnjem sajmu nastupilo je oko 1.500 izlagača iz 30 zemalja, a zemlja partner je Francuska.

Posjetitelji su bili nazočni izložbama stoke, izložba ekološke hrane i proizvoda s oznakom geopodrijetla, B2B susreti, veliki broj poslovnih događanja u Kongresnom centru.

Svi svjetski brendovi traktora i kombajna kao što su John

Deere, Claas, New Holland, Case, Holmer, Kverneland, Fendt, Massey Ferguson, Tafe, Steyer, Solis, Armatrac, Versatile, Rostelmash, Kubota, Antonio Carraro, Ursus, Zetor, Belarus, Mahindra, Valtra, Amazone, Landini i drugi, nalaze se na jednom mjestu. Izložba mehanizacije, podsjećamo, zauzima trećinu izložbenog prostora sajma. Naime, Poljoprivredni sajam je tradicionalno mjesto na kojemu se izlažu nagrađeni eksponati sa sajmova u Bologni, Hannoveru ili Parizu. Posjetitelji su, kako je i najavljeno, vidjeli identične ili modificirane modele ovih strojeva. Sve u skladu s motom 'Pametne tehnologije, zelena budućnost'.



Novosadski sajam poljoprivrede , 15 – 21. maj 2018. godine

Novosadski sajam poljoprivrede – Međunarodni poljoprivredni sajam je ogledalo agrara i presjek najaktuelnijih tema, trendova, proizvoda i usluga, važnih kako za nacionalno tržište, tako i za širi Region. Mjesto je povezivanja privrede Srbije i zemalja iz regiona sa državama iz cijelog svijeta. Na njemu se istok i zapad sreću i u ekonomskom i u diplomatskom kontekstu. Integrira unapređenje znanja, proizvodnje i razvoj nauke. Promovira značaj inovacija i predstavlja sintezu iskustva i dostignuća u srpskoj poljoprivredi, a snažna je podrška privredi Srbije. Majski sajam u Novom Sadu je najveći, a zbog svega što predstavlja i najznačajniji agrobiznis događaj u centralnoj i jugoistočnoj Evropi.

Poljoprivredni sajam je prilika za firme i kompanije da prezentiraju novitete, kako novu mehanizaciju, tako i proširenje asortimana.

Pripremio: Ivica Barbarić dipl.ing.agr.

Delegacija P/G Komore FBiH učestvovala na China Smart Expo-u u Budimpešti

Delegacija P/G K FBiH je na poziv kineske agencije za promociju kineskih firmi u centralnoj i jugoistočnoj Evropi uzela učešće na China Smart Expo-u, koji je održan u Budimpešti u periodu od 31.05. do 02.06.2018.godine.



Sajam je okupio preko 300 kineskih kompanija iz oblasti automobilske, hemijske, elektro/ energetske, građevinske, prehrambene, tekstilne industrije, turizma i obrazovanja.

Pored 300 kineskih kompanija, akreditovano je 4.300 posjetilaca koji su sa kineskim privrednicima održali preko 2.000 bilateralnih sastanaka.

U delegaciji bh privrednika koju je je predvodio Emir Pašić voditelj Centra za međunarodnu i saradnju sa EU Fondovima /GKFBiH bili su predstavnici As Holdinga iz Tešnja, direktori nabavke i izvoza koji su predstavljali 16 kompanija, te šef nabavke Svjetlost komerca Sarajevo, direktor izvoza MS WOOD iz Sarajeva i direktor firme Točak d.o.o. iz Jelah-Tešnja.

Otvaranju sajma China Smart Expo prisustvovao je i N.J.E. gospodin Aleksandar Dragičević, ambasador Bosne i Hercegovine u Mađarskoj.

Prevredna delegacija je na poziv ambasadora Dragičevića posjetila Ambasadu Bosne i Hercegovine u Budimpešti. Nakon predstavljanja proizvodnoj programa As Holdinga ambasadoru Dragičeviću, Goranu Pranjiću i Emiru Vladaviću, iskazana je namjera tješnje saradnje putem komore te bh ambasade sa mađarskim privrednicima prvenstveno na plasmanima roba As Holdinga na mađarsko tržište, nabavke pšenice za Klas Sarajevo i MIP Ljubače kao i povezivanja automobilskih klastera dviju zemalja.



Direktor izvoza As Holdinga Vedad Halilović, je održao sastanak sa gospodinom Tian Zhongwei iz China Shandong Province Tutian Import Export Co.Ltd. kompanije gdje je bilo razgovora o izvozu proizvoda AS Holdinga u Kinu, nakon čega je u tu svrhu potpisan memorandum o poslovnoj saradnji.



Pripremio: Emir Pašić dipl.ecc.

"Budućnost je pred vratima: stanje i perspektive električnih automobila u BiH"



"Budućnost je pred vratima: stanje i perspektive električnih automobila u BiH" je tema panel diskusije održane trećeg dana sajma ENERGA 2018. 21.06.2018.godine u organizaciji Udruženja ovlaštenih prodajno servisnih centara novih motornih vozila F BiH, Privredne /Gospodarske komore Federacije BiH.



Na početku panel diskusije održana je i kratka prezentacija rada Udruženja ovlaštenih prodajno servisnih centara novih m/v F BiH na kojoj je predsjednik ovog Udruženja gosp. Haris Muratović prezentirao rad Udruženja, dosadašnje aktivnosti, kao i buduće planove u skladu sa utvrđenom vizijom i misijom Udruženja

Prema riječima predsjednika Muratovića Udruženje je uspjelo približiti najnovije tehnologije potencijalnim klijentima i to nam daje zapravo da i u budućnosti razmišljamo da približimo taj proizvod našim krajnjim kupcima. Na sajmu se vrte izuzetno važne teme koje su povezane s trendovima koji se dešavaju u EU. Naprimjer, više od milion automobila u EU registrovano je na električni pogon. Nažalost, kod nas je registrovano svega 18 takvih vozila. Zakonska regulativa koja ne ide na ruku registraciji takvih automobila je jedan od izazova s kojim se suočavamo.

Drugi izazov je stimulacija za nabavku takvih automobila. Treća stvar je infrastruktura, odnosno instalacija elektro-punjača koji moraju biti rasprostranjeni širom BiH, kako za turiste, tako i za naše ekološki osviješten građane. Do 2025. očekujemo da će jedna trećina novo proizvedenih automobila biti na električni pogon. Tvrdim i uvjeren sam u svijetlu budućnost električnih automobila, jer najveći auto proizvođači svakim danom to pokazuju svojim primjerom. Zauzet je kurs da su električni automobili budućnost, da se u njih najviše investira. Sve to nas tjera na razmišljanje kako se moramo posvetiti infrastrukturi i u BiH. Nisu to neke velike investicije. Potrebno nam je samo razumijevanje prioriteta u ovom momentu kako ne bi smo ostali pusto ostrvo koje će zaobilaziti turisti i potencijalni kupci koji žele imati električne automobile .



Cilj panela je bilo razmatranje resursa, planova, nedostataka tržišta BiH, te neizbježna integracija u savremene trendove, sa ključnom okosnicom **Da li smo spremni za revolucionarne promjene? Koliko smo daleko od "zelene revolucije?** Odgovore na ova, kao i druga brojna pitanja dali su panelisti: Zoran Andrić pomoćnik ministra u Ministarstvu prometa i komunikacija BiH, Adnan Bosović predstavnik JPElektroprivreda BiH d.d. Sarajevo, Enis Krečinić predstavnik Federalnog hidrometeorološkog zavoda, Adonis Kozina tehnički direktor SLT d.o.o. Sarajevo, te Ismir Omeragić predstavnik Porsche d.o.o. Sarajevo.

Poseban fokus je bio na pitanjima stvaranja zakonskih pretpostavki za masovniju upotrebu električnih automobila, uticaju vozila na pogonskog gorivo na zagađenost vazduha, ulogu elektroenergetskog sistema u "zelenoj auto revoluciji", te o praktičnim iskustvima zemalja u kojima je daleko već upotreba električnih automobila, sa posebnim osvrtom na punionice.



Zapaženo izlaganje na panel diskusiji imao i specijalni gost Hajrudin Prolić Šef komunikacija kompanije Sarajevo Sports International, koji je prisutnima prenio detalje u vezi sa realizacijom sjajne ideje FORMULA E u Sarajevu .

Sarajevo ima veliku šansu da dobije organizaciju ovog automobilističkog spektakla, istakao je gosp. Prolić.

"Radi se o događaju koji bi Sarajevo smjestio u sat vremena živog programa na svjetskim kanalima i događaj koji je već sada zainteresirao sve svjetske medije i prenio informaciju da je Gradsko vijeće Sarajeva podržalo inicijativu o održavanju Formule E".

Dodao je da je ipak ključna politička volja. Na potezu je Gradsko vijeće Sarajeva, koje će na sljedećoj sjednici 27.juna raspravljati o izvajanju sredstava za feasibility studiju. U slučaju pozitivne odluke, tehnički tim FIA-e doputovao bi iz Londona u Sarajevo i dao konačni sud o uvjetima za održavanje utrke.

U slučaju dobijanja utrke, vjerovatno bi Sarajevo postalo

regionalni centar za električna vozila, s obzirom da upravo Formula E potencira zelene tehnologije i korištenje električnih automobila.



Potpredsjednik Privredne/Gospodarske komore F BiH dr.Marko Šantić je istakao da ova institucija već danas postaje prijatelj ovom projektu. Sinergijom dva naša udruženja pokušat ćemo Sarajevo učiniti vidljivim čitavom svijetu.



Panelom smo željeli doprinijeti definiranju stajališta o tome kako savremene trendove prihvatiti kao realnost, kroz prizmu potrebne zakonske regulative, postojećeg stanja, otklanjanja nedostataka na našem tržištu, vodeći računa o ekološkoj prednosti električnih automobila.

Na kraju panel diskusije doneseni su i Zaključci:

1. Učesnici panel diskusije su saglasni da je na nivou Bosne i Hercegovine potrebno donijeti odgovarajući zakonodavni okvir kojim bi se definirala sva otvorena pitanja vezana za električne automobile
2. Električni automobil je sjajna vijest za klimu i zaštitu okoliša, te u tom smislu treba promicati prednosti električnih automobila kao trajnu investiciju u čistiju budućnost.
3. Naglašena je potreba da se na nivou lokalnih, općinskih administracija poduzmu sve potrebne radnje kako bi se obezbijedile odgovarajuće lokacije za punionice el. automobila, te da se prilikom izgradnje novih puteva uzme u obzir blagovremeno planiranje lokacija za punionice.
4. Sugerise se državnim i entitetskim organima vlasti da razmotre mogućnost uvođenja odgovarajućeg modela poticaja za električne automobile, posebno prema pravnim subjektima u državnom vlasništvu, slijedeći adekvatan model poticaja iz drugih država.
5. Obzirom na brojne probleme koji opterećuju građane i poduzetnike, ključno pitanje opravdanosti i mogućnosti za masovniju upotrebu električnih automobila u BiH jeste pitanje ekonomske mogućnosti građana, odnosno njihovog standarda, jer se za domaće uvjete radi o skupim investicijama.
6. Učesnici panel diskusije jednoglasno daju podršku organizaciji prestižne manifestacije FORMULA E u Sarajevu, jer je ova manifestacija jedinstvena prilika promicanja ideje o značaju e-automobila, kao vozila budućnosti, te ujedno i jedinstvena prilika za promociju Sarajeva i države Bosne i Hercegovine.

Na kraju panel diskusije Predsjednik Haris Muratović je dodjelio zahvalnice panelistima i specijalnom gostu.



Pripremila: Amela Kečo dipl.prav.

ENERGA

Završna sesija prezentirala inovacije i vodič za investitore

Trećeg dana manifestacije ENERGA 2018, završnu sesiju konferencije organiziranu pod okriljem Privredne/Gospodarske komore FBiH, otvorio je predsjednik Komore Mirsad Jašarspahić, ujedno i u ulozi predsjednika Organizacionog odbora manifestacije ENERGA. U okviru ove sesije predstavljene su četiri aktuelne teme.

O Razvoju inovativnih tehnologija na Mašinskom fakultetu u Sarajevu govorio je doc.dr. Adnan Mašić, šef Katedre za matematiku i fiziku. Bilo je zanimljivo poslušati predavanje o tome šta ova akademska institucija sa svojim profesorima ali i studentima radi na polju inovacija.

Ispred Federalnog zavoda za programiranje razvoja prezentaciju pod nazivom Razvoj i inovacije u BiH i regionu, održala je Marijana Galić. Iz perspektive jedne entiteske institucije moglo se čuti u kojoj su mjeri razvoj i inovacije izuzetno bitan faktor koji utiče na konkurentnost proizvoda.



Vodič za investitore u energetski sektor u BiH, vrlo korisnu i dugo očekivanu publikaciju prisutnima je ukratko predstavio Feđa Bajrakatović ispred organizacije USAD EIA, čiji je tim je autor publikacije. Za potencijalne investitore u ovaj sektor bio je zaista potreban jedan ovakav vodič u kojem su objašnjene procedure i redoslijed koraka za dobijanje svih potrebnih dozvola za izgradnju energetskih objekata u oba entiteta u BiH.

U okviru posljednje sesije konferencije, prutnima se obratio doc.dr. Miro Bugarin sa Sveučilišta u Splitu, predstavljajući projekat koji trenutno implemetiraju u okviru programa Iterreg IPA. Prezentirajući projekat Hibridni modul mini vjetrogeneratora i solarnih panela, profesor Bugarin dao je kraći osvrt na iskustva sa kojima su Sveučilište i drugi partneri projekta iz susjednih zemalja nailazili tokom njegove implementacije.

Time je ujedno završen i konferencijski dio manifestacije ENERGA 2018, koja je i ove godine ocijenjena vrlo uspješnom, te je najavljena i ENERGA 2019, čije održavanje je planirano za period 11.-13.06.2019. godine, ponovo u Centru Skenderija Sarajevo. Nadati se da ćemo naredno godine saznati novosti o napretku u primjeni mjera energetske efikasnosti u BiH, mogućnostima investiranja u elektroenergetski sektor, kao i o inovacijama u energetici.



L. Sadiković

Šta donosi novi Pravilnik o izgledu policijske uniforme u policijskim tijelima Bosne i Hercegovine?



Novi Pravilnik o izgledu policijske uniforme u policijskim tijelima Bosne i Hercegovine, koje je Vijeće ministara Bosne i Hercegovine, na prijedlog Ministarstva sigurnosti BiH, donijelo na 127. sjednici, 28.02.2018.godine, izazvao je problem bosanskohercegovačkim kompanijama koje se bave ovom djelatnošću.

U prethodnoj 2017. godini predstavnici kompanija koje se bave proizvodnjom uniformi obavili su sastanak sa ministrom sigurnosti Bosne i Hercegovine Draganom Mektićem, na kojem se razgovaralo o nacrtu navedenog Pravilnika. Rezultat održanog sastanka trebao je biti uključivanje bh proizvođača u Radnu grupu koja je radila na izradi Pravilnika, kako bi u procesu izrade akta dali svoje mišljenje i sugestije na isti. Što se nije desilo. Sadržaj ovog Pravilnika bh kompanije stavlja u nepovoljan položaj, te isključuje njihovu mogućnost konkurisanja u postupcima javnih nabavki policijskih uniformi.

Za ukupno devet kompanija iz Bosne i Hercegovine, koje se bave ovom djelatnošću, stupanjem na snagu, Pravilnik će izazvati brojne probleme. Radi se o kompanijama izvrsne tehnološke opremljenosti, koje zajedno upošljavaju više od 1.000 radnika, ali čije se uniforme koriste u službama NATO snaga, policijske uprave Švicarske, Austrije, Poljske.. Kvalitet nema jasnu definiciju, ali prema ISO standardima kvaliteta je definisana kao "stupanj do kojeg skup svojstvenih karakteristika ispunjava zahtjeve". S gledišta potrošača kvalitet se povezuje sa cijenom, a sa gledišta proizvođača povezuje se s oblikovanjem i izradom proizvoda kojeg određuje želja i potreba krajnjeg korisnika, te njihove realizacije od strane proizvođača.

Vodeći se teorijskim znanjem, ali i primjerima dobre prakse potrebno je prethodno biti upoznat sa mogućnostima i prijedlozima domaćih kompanija koje su, radeći u ovom ekonomskom i političkom ambijentu BiH, uspjele zadovoljiti svjetske standarde.

Kvalitet ne znači jedna tipa proizvoda, što se u ovom slučaju preferira Pravilnikom. Prijedlog proizvođača, koji su se udružili u BH Konzorcij proizvođača uniformi BiH, bio je izrada određenog broja uniformi koje bi bile date na korištenje u službama u realnim uvjetima, a dio takvih uniformi bio bi poslan na analizu u nezavisne laboratorije u regiji, kako bi se utvrdio njihov stvarni kvalitet.

Privredna/Gospodarska komora Federacije BiH kao institucija čija je primarna uloga zaštita interesa privrednih subjekata, od mjeseca februara se u više navrata obraćala nadležnim institucijama - Vijeću ministara BiH i Ministarstvu sigurnosti BiH, te sa Privrednom komorom Republike Srpske uputila i zajedničku molbu da se pokrene dijalog sa proizvođačima.

Održana Konferencija za medije

U skladu sa redovnim aktivnostima na ovu temu, uz prisustvo velikog broja predstavnika medijskih kuća, u prostorijama Privredne/Gospodarske komore Federacije BiH, u četvrtak, 17.05.2018. godine upriličena je konferencija za medije.



Medijima su se obratili:

- Mirsad Jašarspahić ,predsjednik Privredne komore Federacije BiH,
- Amir Međić, Udruženje tekstila, obuće i kože Bosne i Hercegovine - UTOK BiH i
- Haris Sejdić , predstavnik BH. Konzorcija proizvođača policijske i vojne opreme.

BH Konzorcij proizvođača policijske i vojne opreme okuplja bosanskohercegovačke kompanije: Sparta d.o.o Banja Luka, MEN d.o.o. Travnik, ZENKO d.o.o Zenica, Uslužnost d.o.o. Sarajevo, Tekstilna industrija d.o.o. Mostar, Miltex d.o.o Banja Luka, Koteks d.o.o. Tešanj, K.L.M. Prnjavor i Belt d.o.o. Banja Luka, koje upošljavaju više od 1.000 radnika.

Pravilnikom su propisani određeni tehnički kriteriji koje ispunjava samo jedna vrsta uniforme, a koja se proizvodi van BiH, kao i tehničke karakteristike određenih proizvoda, materijala i dodatnih dijelova koji su zaštićeni.

Usvajanjem Pravilnika domaće kompanije potpuno su izgubile mogućnost da se uopšte prijavljuju na tendere koje će policijske agencije na nivou Bosne i Hercegovine u budućnosti raspisivati.

“Ono što je značajno napomenuti jeste da su svi navedeni učesnici press konferencije, zajedničkim djelovanjem uputili više inicijativa i zahtjeva za pokretanje dijaloga između bosanskohercegovačkih proizvođača i nadležnih institucija. Na ovaj nači još jednom nastojali smo da apelujemo na institucije da se Odluka o usvajanju Pravilnika poništi, te da se otvori dijalog sa proizvođačima, naveo je predsjednik P/G K FBiH. Temeljna uloga i misija ove institucije je zaštita interesa bosanskohercegovačkih privrednih subjekata, u ovom konkretnom slučaju zaštita interesa Konzorcija koji je okupio sve bh. firme, proizvođače uniformi, u oblasti tekstilne industrije”, rekao je na konferenciji predsjednik Jašarspahić.

U ime proizvođača uniformi Haris Sejdić je izrazio razočarenje činjenicom da je ministar sigurnosti BiH Dragan Mektić, dao javno obećanje kako će omogućiti predstavnicima BH konzorcija učešće u radnoj grupi koja je pripremila Pravilnik, kako bi u procesu izrade ovom podzakonskog akta mogli dati vlastite prijedloge i sugestije. Umjesto toga proizvođači nisu bili u prilici da tekst Pravilnika zaprime na zvaničan način.

“Firmama koje proizvode, zapošljavaju i pune budžete države, njenih entiteta i svih nivoa vlasti treba omogućiti posao. Ukoliko izostane dobra volja za rješavanje spornih pitanja, ostaje mogućnost žalbene procedure na diskriminirajući tender, a u krajnjem slučaju da se zatraži i sudska zaštita, odnosno odgovarajući pravni lijek.” – rekao je predstavnik UTOKA BiH Amir Međić, te će se i dalje insistirati na ravnopravnom tretmanu i promjeni koncepta, odnosno reviziji spomenutog pravilnika kako bi se bh. proizvođačima omogućilo da uposle vlastite kapacitete.

Održan sastanak sa ministrom Draganom Mektićem

U prostorijama Ministarstva sigurnosti BiH predsjednik P/G K FBiH, Mirsad Jašarspahić, predstavnici BH Konzorcija proizvođača uniformi: Men d.o.o. Travnik, Sparta d.o.o. Banja Luka i Tekstilna industrija Mostar u srijedu 20.06.2018.godine održali su sastanak sa ministrom sigurnosti BiH, Draganom Mektićem. Na sastanku se razgovaralo o novom Pravilniku, te su prezentirani i uzorci uniformi koje se proizvode u BiH i uniformi koje se proizvode van granica BiH.

Na sastanku su doneseni određeni zaključci koji će biti definisani i potpisani od strane svih učesnika, te će se primjenjivati prilikom objave Javne nabavke policijskih uniformi za potrebe policijskih agencija BiH.



Pripremila: Jasmina Zejnilagić dipl.ecc.

Održan sastanak UO Udruženja za tekstilnu, kožarsko-prerađivačku i gumarsku industriju P/G K FBiH

U prostorijama Privredne komore Federacije BiH, u srijedu, 20.06.2018.godine, održan je sastanak Upravnog odbora Udruženja za tekstilnu, kožarsko-prerađivačku i gumarsku industriju. Na sastanku se razgovaralo o dosadašnjim realizovanim aktivnostima koje su sprovedene u skladu sa planom rada Udruženja, te problematici i inicijativama koje će biti pokrenute u cilju kreiranja povoljnijeg poslovnog ambijenta.

Sastanku su prisustvovali i predstavnici Federalnog ministarstva energije, rudarstva i industrije. Kako je Privredna komora Federacije BiH dala svoju podršku Konzorciju proizvođača uniformi BH, problem koji će prouzrokovati novi Pravilnik o izgledu uniformi svakako je bio jedna od tema sastanka. Također, sa predstavnicima FMERI razgovaralo se o budućim aktivnostima koje će se sprovoditi u cilju izrade i novog Akcionog plana za realizaciju Strategije razvoja ovog sektora.



Pripremila: Jasmina Zejnilagić dipl.ecc.

Održana radionica "Upravljanje lancima nabavke"

USAID Projekat razvoja radne snage i većeg pristupa tržištima (WHAM) u saradnji sa Privrednom/Gospodarskom komorom Federacije BiH i Vanjskotrgovinskom komorom Bosne i Hercegovine organizirao je dvodnevnu specijalističku radionicu na temu "Upravljanje lancima nabavke (engl. Supply Chain Management)" koja se održala 5. i 6. juna 2018. godine u prostorijama Komore.



Radionica je bila namjenjena kompanijama koje se bave proizvodnjom metala u Bosni i Hercegovini, a posebno kompanijama iz automobilske industrije koje su dobavljači i/ili planiraju postati dobavljači svjetski poznatim proizvođačima automobila. Predavač, gospodin Martin Mirsky, renomirani je stručnjak i konsultant iz Sjedinjenih Američkih Država, sa više od trideset godina radnog iskustva u oblastima upravljanja i optimizacije lanaca nabavke u zemljama Evrope, Azije i Sjeverne Amerike.

Radonici je prisustvovalo 26 učesnika, od čega njih 19 iz 13 bh. kompanija, a njen sadržaj fokusiran na pitanja potražnje, prognoze i naloga kupaca, planiranja proizvodnje i kupovine, kao i uspješnog upravljanja zalihama.



Kroz radionicu se nastojalo pružiti opće razumijevanje o tome šta je potrebno da bi se postalo preferirani dobavljač i kako najbolje upravljati zalihama. Saznanja do kojih su došli kroz dva dana rada, učesnici su ocijenili kao veoma korisna za svoje dalje poslovanje.

Nakon uspješno završene radionice konsultant, g. Martin Mirsky, održao je individualne sastanke sa kompanijama. Uključujući politike, procese, procedure, tehnologiju i organizaciju unutar kompanije urađena je analiza i pregled gdje je ta kompanija danas i gdje treba da fokusira svoje napore na poboljšanje, te su pružene specifične preporuke. Radionica se također održala i u Banja Luci, u saradnji sa PK RS, u periodu od 13. i 14.06.2018. godine.



U posjeti Prevent Fabrics d.o.o.



U posjeti Volkswagen d.d.



USAID
FROM THE AMERICAN PEOPLE



PRIVREDNA/GOSPODARSKA KOMORA
FEDERACIJE BOSNE I HERCEGOVINE

Projekat razvoja radne snage i većeg pristupa tržištima (WHAM) je trogodišnji USAID-ov program koji ima za cilj povećanje broja radnih mjesta i nivoa prihoda kroz unapređenje trgovinske ekspanzije BiH u Evropsku uniju i regionalna tržišta. Takvo što namjerava se ostvariti prvenstveno putem programa dodjele bespovratnih sredstava domaćim malim i srednjim preduzećima te organizacijama koje predstavljaju preduzeća s izvoznim potencijalom u sektorima drvoprerade, metaloprerade i tekstila/obuće/kože. Uz podršku USAID-a, putem WHAM projekta, P/G K FBiH omogućila je nastup na kolektivnom štandu na Internacionalnom sajmu dobavljača IZB 2018., za 10 bosanskohercegovačkih kompanija.

Pripremila: Jasmina Zejnilagić dipl.ecc.

Održan sastanak predstavnika Privredne komore FBiH i Udruženja poslodavaca FBiH

U prostorijama Privredne/Gospodarske komore FBiH, 16. maja 2018. godine, održan je sastanak predsjednika Privredne komore Federacije BiH, Mirsada Jašarspahića i saradnika, sa predsjednikom Udruženja poslodavaca Federacije BiH Adnanom Smailbegovićem i direktorom Udruženja poslodavaca Federacije BiH Mladenom Pandurevićem.



Na sastanku se razgovaralo o najznačajnijim privrednim temama kao i zajedničkim aktivnostima koje su vođene prethodnih nekoliko mjeseci.

Kada je u pitanju donošenje novih Zakona o doprinosima FBiH i Zakona o porezu na dohodak FBiH, dogovoren je dalji zajednički angažman u cilju donošenja zakonskih rješenja koja će biti podrška privlačenju novih investicija i razvoja privrede.

Također, govorilo se i o statusu inicijativa i prijedloga koji su dostavljeni nadležnim institucijama od strane P/G K FBiH i UPFBiH. U cilju poboljšanja ambijenta i podrške razvoju privrede razgovarano je i o zajedničkim aktivnostima koje će se i u narednom periodu voditi prema nadležnoj, zakonodavnoj i izvršnoj vlasti.

Pripremila: Jasmina Zejnilagić dipl.ecc.

Održan poslovni forum za mala i srednja preduzeća Mađarska – BiH



U organizaciji Ministarstva vanjske trgovine i ekonomskih odnosa BiH, resornih entitetskih ministarstava, Privredne komore RS i P/G komore FBiH, u Trebinju je 22. marta održan poslovni forum Mađarska – Bosna i Hercegovina. Nakon plenarnog dijela foruma, održane su dvije paralelne sesije.

Na sastanku Radne grupe za MSP Mađarska – BiH, potencijale naše zemlje prezentirali su predstavnici Privredne komore RS i Privredne/Gospodarske komore FBiH. S mađarske strane, osnovne podatke, stanje i načine finansiranja MSP u Mađarskoj prezentirali su: predstavnici Ministarstva nacionalne ekonomije, Mađarske razvojne banke, Organizacije za razvoj industrije IFKA i Privredne komore Mađarske. Radna grupa je sastavljena od predstavnika pomenutih institucija.

Istovremeno su održani i B2B sastanci mađarskih i bh. kompanija, koje su razgovarale o mogućnostima privredne saradnje između dvije zemlje.

Također, nakon sastanaka je upriličena posjeta dvjema trebinjskim kompanijama i to Industriji alata a.d. Trebinje i prehrambenoj industriji Swisslion.

Nakon korisne razmjene iskustava, dogovoreno je da do narednog sastanka članovi Radne grupe rezimiraju provedbu zaključaka i utvrde nove prijedloge za poboljšanje saradnje između Mađarske i BiH.



*pripremile: I. Sadiković dipl.ing.maš.
Š. Alimanović dipl.ing.šum.*

Investicijom u nove tehnologije Euro–metali ušli u novi segment poslovanja



Euro – metali, vodeći distributer u oblasti metalurgije u Bosni i Hercegovini, investicijom u nova tehnološka rješenja obrade metala ušao je u novi segment poslovanja. Tako je u Doboj Jugu instaliran CNC plazma - rezač koji siječe limove debljine do 40mm i CNC gasni rezač koji može rezati limove debljine do 200mm, a riječ je o posljednjoj generaciji CNC mašina sa 3D glavom, navodi se u saopćenju Euro – metala.

Iz kompanije ističu da je ovobija gotove pozicije sa dimenzijama koje su potrebne za njegov dalji proizvodni proces bez dodatne obrade. Naši inženjeri i tehničari uz pomoć najnovije tehnologije u stanju su pripremiti/izrezati gotove pozicije metala prema odgovarajućim crtežima i zahtjevima kupaca”, kazao je Jasmin Subašić direktor Euro - metala. Euro-metali d.o.o. Doboj Jug, su kompanija "kćerka" Hifa-oil. Kompanija je vodeći distributer proizvoda i poluproizvoda crne i obojene metalurgije u BiH, a osnovu asortimana čine: limovi, cijevi, šipkasti čelik (kvadratni, okrugli, plosni), nosači, ugaoni profili, „specijalni čelik“, itd. Trenutno posluju na 3 prodajna mjesta: Doboj Jug sa sjedištem i centralnim skladištem, Sarajevo - Rajlovac i Mostar.

Prošlogodišnjom kupovinom dijela slovenskog Mersteela u BiH, Euro – metali su dobili najkvalitetnije opremljen objekat na području o prvi korak u smjeru proširenja usluga sa distribucije na obradu metala, te da reakcije koje dobijaju sa tržišta od dugogodišnjih partnera govore da su na pravom putu, i da sve skupa podrazumijeva nove investicije i nova zapošljavanja.

“Našu konkurentnost na tržištu podigli smo na značajno viši nivo ulaskom u novi segment poslovanja i uvođenjem najsavremenijih tehnologija. Suština je da umjesto dosadašnje prodaje table standardnog formata kupac sada d Jugoistočne Evrope kada je u pitanju ova branša. Ukupna površina skladišta je 7000 m², a njegov najveći dio je robotizovan i automatizovan, te predstavlja posljednju riječ tehnologije, čime je ova kompanija ušla u jedan viši nivo poslovanja, koji im omogućava da budu "rame uz rame" sa renomiranim evropskim steel - centrima.

Izvor: Indikator.b

bh proizvod

STEurosaj

SurTec – Eurosaj je preduzeće osnovano 1996. godine kao jedna od prvih "Joint venture" aktivnosti u BiH sa firmom SurTec International iz Njemačke, jednim od vodećih proizvođača specijalnih hemikalija za površinske zaštite metala u Europi.

Od 2010.godine SurTec Eurosaj postaje 100% bosanskohercegovačka firma sa aspektom razvoja dijela površinske zaštite bazirane na SurTec tehnologiji i postaje generalni zastupnik SurTec OKS i Kluber brenda

Sur Tec ima implementiran sistem upravljanja kvalitetom i okolinom ISO 9001:2008 i ISO 14001:2004.

SurTec pruža usluge sa 21 različitom tehnologijom u površinskoj zaštiti metala što ovu kompaniju čini jedinstvenom na širem području regije.



Usluge

Kataforezno lakiranje (KTL), Toplo cinčanje+ELP, Galvansko cinčanje+ELP, Elektrostatsko lakiranje prahom (ELP), Fosfatiranje , Bruniranje , Kalaisanje , Tvrdo kromiranje , Dekorativno kromiranje , Niklovanje , Galvanski postupak bakarisanja , Galvanski postupak mesingovanja , Galvanska tehnologija cink-nikl , Galvansko cinčanje sa silerom , Galvansko kiselo sjajno cinčanje u bubnjevima , Galvansko alkalno sjajno cinčanje sa debeloslojnom pasivizacijom , Galvansko alkalno sjajno cinčanje u bubnjevima , Toplo cinčanje , Centrifugalno visokotemperaturno cinčanje , Centrifugalno toplo cinčanje , Galvansko alkalno sjajno cinčanje na vješačima .

SurTec-Eurosaj d.o.o. Donje Polje 42 ,88400 Konjic,Bosna i Hercegovina
Tel: +387 36 712 910 Fax: +387 36 712 912
E: info@surtec-eurosaj.ba
www.surtec-eurosaj.ba